

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqtu imaattoq saqqummiuppara:

Naalakkersuisunut apeqqutit:

1. **Nappaatip tunillaassuuttup atuunnera sioqqullugu timmisartukkut angalanarlutik billetisisimasut, nappaalasoqarneralu peqqutigalugu angalarusugunnaartut, billetit akilersimasaasa utertinnissaat isumannaarniarlugit Naalakkersuisut qanoq iliuseqarniarpat?**
2. **Air Greenland, Arctic Umiaq Line imaluunniit angallassisartut allat, angalanissamut "billetinik utertissinnaanngitsunik" billetisisimasunut akiliutip tamakkiisup utertinneqarnissaa isumannaarniarlugu Naalakkersuisut pisariaqartutigut qanoq peqqusuteqarsinnaappat?**
3. **Naalakkersuisut pilersaaruteqarnerpat, siunissami angalaniartunut "Takuss" billetit Air Greenlandimi pisiat aamma tamakkiisumik utertinneqarsinnaanngornissaat aaqqiissuteqarfiginiassallugu?**
4. **Naalakkersuisut 2020-imi umiarsuit takornarianik angallassisut nunatsinnut tikittarnissaat akuerissallugit pilersaaruteqarnerpat?**
5. **Naalakkersuisut 2020-imi takornariat nunatsinnut tikittarnissaat akuerissallugu pilersaaruteqarnerpat?**
6. **Nappaassuup tunillaassuuttup atuunnerata kingunerisaanik inuiaqatigiit aningaasagarnerannit isigalugu mittarfiliassarsuarnut aningaasalersuutigineqartunut sunniutipiluutaasussat pillugit Naalakkersuisut qanoq iliuseqassallutik pilersaaruteqarpat?**

(Inatsisartunut ilaasorta, Pele Broberg, Partii Naleraq)

**Tunngavilersuut:**

Nappaatip tunillaassuuttup atuunnera, kiisalu nunap matuneqarnera sioqqullugu timmisartukkut angalanarlutik billetisisimasut, 2020-imilu aasakkut nunanut allanut feeriarnarlutik billetisisimasut nappaalasoqarnera peqqutigalugu mattussinernik peqquteqarlutik nikeriarsinnaajunnaarput, allaat aningaasaatitik utertissinnaajunnaarlugit. Nunani allani angalanissami angerlamut utersinnaannginnissamut toqqisisimannginnermik peqquteqarneq, kiisalu takornariat nappaammik tuniluuttumik Kalaallit Nunaannut eqqussillutik aattuutsitilersinnaanerit amerlasuuniit isumakuluutigineqarpoq.



## partii naleraq

Inuuttaasut nunatsinni suliffipassuarnik aningaasatigut ajornartorsiortunik nunatta karsiata ikiorsiissusiinerani, nunami akileraartartut aningaasaleeqataapput, taamaattumillu eqqortuusinnaangilaq akuersaaruminaallunilu nunarsuarmi pissutsit taamaatut allanngorluinnarsimatillugit, innuttaasut billetinik pisisimasut aningaasat akiliutigisimasatik tamakkiisumik utertissinnaangippasigit.

Tamatuma avataatigut angalanissanut tunngatillugu annertuumik toqqisisimangittoqarpoq, taamaattumillu suliffeqarfiit nunatsinni unammillerteqaratik kisermaassisutut ingerlatsisutut inissisimasut kiffartuussinerisa eqaannerpaamik akikinnerpaamillu aaqqiissuuneqarnissaat anguniarneqartariaqartoq kaammattuutigissavarput. Sinneqartoorutit pisortanillu tapisiaat bonusitut tunniunneqartartut salliutinniarneqarsinnaangillat, kisiannili allannguinkkut aaqqiisinnaanerit, inuiaqatigiillu pisuussutaasa isumannaarnissaat anguniarlugu ingerlatsisinaaneq pingaernerutinneqalertariaqarpoq. Maannakkut takusinnaasatsit Air Greenlandip inuiaqatigiittut pigisatta, "Takuss" billettut akilinnik tunisisarsinnaaguni taava billettut tamaasa taamatut akikitsigisutut akilersillugit utertinneqarsinnaasutut allanngortinneqarsinnaasutullu tuniniarsinnaagaluarpaat.

Ulluni ukunani billettut assigiinngitsut tallimat pisariaqartinngilagut. Kisiannili isumannaarusupparput inuit tamarmik angalanarlutik billettisut tamarmik aqut

ataaseq assigiimmik akiliillutik billettumik pisisinnaasasut. Inuiaqatigiittut ataatsimut isigalugu tamakkiisumik annaasaqarpallaanginnissarput anguniarlugu ataatsimooqatigiittariaqarput.

Tamatuma avataatigut uppersarvarput umiarsuit takornarianik angallassisut nappaammik tunillaassuuttumik angallassisuusut, tassami nunatsinni napparsimavinni peruluttunut siniffinnik naammattunik inissaqartitsinatalu umiarsuit takornarianik angallassisut napaatinik tunillaassuuttunik tunillaassuutitsilerualarpata passusissusunik amingaateqassagatta. Tamanna tamakkiisumik tapersernejartartoq ilisimavarput, kisiannili takornarissanik sullissinermik inuussutissarsijuteqartut tamanna pillugu takornariat tikittarnerisa aasarmanna ukunilu tulluuttuni unikaallatsinneqarnissaanik erseqqissumik nalunaarfigineqanngillat.

Umiarsuit pingaartinngikkaluaraanniluunniit aamma takornarianik sullissinermik inuussutissarsijuteqartut aamma aasarmanna inuussutissarsiummi ingerlannissaat pillugu erseqqissumik suli nalunaarfigineqanngillat, erseqqissaatigaallu aasarmanna ingerlatsinissartik inuussutissarsijutit kinguartinneqarsinnaangitsoq, taamaattumillu erseqqissumik tamakkiisumillu nalunaarutisinnisaq pisariaqartillugu, annikitsukkuutaamik nalunaarutisarneq pinaveersaarumallugu. Assersuutigalugu Danmarkimi nipilersorluni tusarnaartitsinerit aasarmanna pisussat tamaasa taamaatiinneqartut nalunaarutigineqarpoq.

Mittarfissualiortiternerit sanaartorneqarnerisa imminut akilersinnaanissaat isumannaariniarlugu assigiinngitsorpassuit iluatsinnissaat aallaavigineqarpoq, tassanilu Kangerlussuup



## partii naleraq

atlantikoq qulaallugu mittarfittut atorneqarunnaarnissaa aallaaviuvoq, kiisalu takornariarpassuarnik tikittoqartalernissaa aaliangernermit aallaagivineqarput. Nunarsuaq tamakkerlugu nappaammik tuniluuttumik siammartoqarnerata kingunerisaanik sunniutaanillu maanna pilersaarutit tunngaviinik isornartorsiunerisa tunngavilersuutaat piviusutut saneqqunneqarsinnaanatik eqqortunngorput, kiisalu timmisartuussisarnerit aamma allanguinernik annertooujussuarnik nalaanneqartussanngorlutik. Taassumalu kingunerissavaa angalanermi billetit naliginnaasumik akitsorneri, tamatumalu aamma kingunerissallugu Kalallit Nunaannut takornariat ikilineri, tassanilu Air Greenlandimi billetit qanoq inisissimaneri apeqqutaatinneqarnissaat ilimaginneqassanngilaq. Timmisartut ukioq kaajallallugu isumannaatsumik missinnaanerisa amerlassusaasa naammannginnerisa (regularitet) kinguneraa Kangerlussuup sakkutuunit siunissami timmisartoqarfittut atorneqartussatut toqqarneqarneranut, taamaallillunilu Danmarkki nunatsinnik piginnittut nakkutiginninneranut isumannaarisussaalluni, taamaattumillu ataqqineqarnissaq anguniarlugu sanaartukkanik ingerlatsiniaannarnissaq nalilersoqqittariaqalissalluni.

Pissutsit taamaatsillugit tulluutissannginnerpa, silarsuarmi napaassuup tuniluuttup akiuusstissaanik nassaarnissap tungaanut mittarfissanik sanaartukkanik ingerlatsinerup unitsikkallarnissaa, tamatumami kingorna amerlanerussuteqartut ajornanngilluinnartumik suliap aallarteqqinnissaanik amerlanerussuteqarnikkut aaliangiisnaalluarmata.

Ullut suliffiit qulit qaangiutinnginnerani akineqarnissara kissaatingaara.